



**JUDICIAL SYSTEM MONITORING PROGRAMME**  
**PROGRAMA MONITORIZASAUN BA SISTEMA JUDISIÁRIU**

*Komunikadu Imprensa*  
*26 Juñu 2014*

**JSMP fasilita treinamentu kona-ba labarik asesu ba sistema justisa formal iha Suku Ogues-Suai**

Iha 20 Juñu 2014, Judicial System Monitoring Programme (JSMP), liuhosi *Legal Reserch Unit* (LRU) hala'o treinamentu ba comunidade iha Suku Ogues, Sub-distritu Maucatar, Distritu Covalima.

Atividade ne'e ho objetivu atu fahe inforamsaun kona-ba labarik sira nia direitu atu asesu ba justisa formal, no atu hasae liu tan comunidade sira nia koñesimentu iha setór justisa nian, partikularmente kona-ba labarik sira nia asesu ba justisa formál. Komunitade sira ne'ebé mak partisipa iha treinamentu ne'e hamutuk ema nain 30, kompostu husi mane 12 no feto 18.

Materia iha treinamentu ne'e kobre kna'ar autór judisiáriu, servisu sosial atu garante labarik asesu ba justisa formal, direitu labarik sira nian, obrigasaun inan aman, estadu no comunidade, impaktu violénsia hasoru labarik no responsabilidade kriminál labarik nian tuir kódigu penál,

*“JSMP espera katak partisipante sira bele continua hatutan no habelar informasaun ne'e ba sira nia comunidade, tanba labarik mak vulneravel teb-tebes iha comunidade nia leet no persiza inan-aman, comunidade nomós estadu nia obrigasaun atu tau matan no proteze labarik sira nia direitu iha prosesu justisa formal tantu labarik sira ne'ebé konfliktu ho lei, labarik sira ne'ebè sai vítima, no labarik sira ne'ebé fó sasin iha tribunál,”* dehan Luis de Oliveira Sampaio, Diretór Ezekutivu JSMP.

Xefe Suku Ogues, Sr. Pedro Amaral, iha ninia intervensaun husu ba partisipante sira hotu ne'ebé partisipa iha treinamentu ida ne'e atu bele fó atensaun maximu ba apresentasaun husi treinador sira tanba materia ne'ebé JSMP hatu'o ne'e materia espesifiku kona-ba labarik nia diretu atu asesu ba justisa formal.

Durante treinamentu, partisipante sira pro-ativu tebes liu-liu iha sesaun diskusaun nian, partisipante sira maioria kestiona makas kona-bá problema divorsiu, abandona no kazu violasaun seksuál ne'ebè mak durante ne'e akontese iha sira nia suku.

Atividade treinamentu ne'e realize tanba hetan suporta orsamentu husi Justice Facility.

Atu hetan informasaun kle'an favor kontaktu direktamente:

Luis de Oliveira Sampaio  
Diretór Ezekutivu JSMP  
Diresaun e-mail: [luis@jsmp.minihub.org](mailto:luis@jsmp.minihub.org)  
[info@jsmp.minihub.org](mailto:info@jsmp.minihub.org)  
telefone: 3323883/77295795  
webiste: [www.jsmp.tl](http://www.jsmp.tl)

facebook [www.facebook.com/timorleste.jsmp](http://www.facebook.com/timorleste.jsmp)

twitter: @JSMPtl